



832318

榴實山莊詩鈔目錄

卷一

古近體詩一百首

卷二

古近體詩一百二十首

卷三

古近體詩一百零二首

卷四

古近體詩一百十五首

榴實山莊詩鈔

卷一

卷五

古近體詩一百零二首

卷六

古近體詩七十九首





榴實山莊詩鈔卷一

吳存義

和甫

春日

曉色開書幌行吟步履輕路從千竹繞春爲萬花晴山  
水分雲影樓臺共鳥聲年年二三月詩思滿江城

寄劉鵠庭

紫鳳棲丹山文彩何翩翩丹山一千仞紅玉流爲泉上  
有青桐花蕊萼纏其巔春風日披拂桐高花愈妍鳳鳴  
向花底雲璈聲清圓蓬瀛在咫尺流音及華年

榴實山莊詩鈔

卷一

一

華年如初日擢穎冠扶桑灼爚五色霞散作百寶光羲  
靈無停軌碧海何蒼茫盛景惜分寸朝燠暮復涼相思  
渺雲漢轆轤迴中腸

海底有仙人瘦骨如香桃雲笈熟七籤聲名慚不高秋  
風起西北萬里驚翠濤意氣託荃蘅顧盼亦復豪願言  
攬元鬢雲路同翔翱

明月出東海照見海中珠淪漪相濯浴寶光溢四隅阻  
修隔島嶼光彩良不殊子攬若木策我結滄江廬乘鷺  
無風濤良覲非難圖寤寐寄相憶相憶寶區區

區區懷中冰杲杲託知己碧雲吹不飛美人隔煙水秋水多芙蓉采采無時已何日集爲裳聯倚白雲裏尺素往復旋殷勤寄紅鯉

秋蝶

栩栩深秋蝶臨風意態斜新涼三徑遍舊夢一春差詩豈才名著圖偏瘦格誇雙飛復雙宿紅蓼又初花

秋燕

相識簾前燕秋來故故飛戀巢心自切久客計終非江堞催殘角山樓換夕暉道逢南雁侶好語不如歸

榴實山莊詩鈔

卷一

二

柏木橋

煙濃村樹合江遠水雲空野鳥鳴深箐棉花拾晚風平橋隨犢過頽岸有潮通無限吟秋興蒼茫落照中

宿靖江寓樓

鍾鼓嚴更動一樓霜氣清故居重作客今夜若爲情酒盡征鴻過城高畫角晴獨吟依警枕猶記舊潮聲

寄朱愚溪

采藍不盈甌采綠不盈匊江月有圓虧相思無斷續五色手中絲纏綿十二時一織一顧杼宛轉槃中詩裁詩



意難倦階下霜鋪練一字百相憐不如一相見秋月澈  
夜明秋江澈底清望君隔揚子暮雲江上生江雲晚愈  
碧江潮晚愈急通詞託微波好打江頭楫

南樓看雪遂過散木二丈用石閭八丈韻

起蹋雪聲碎朔風城上樓水支孤艇重林襯凍雲浮賭  
酒誰瓊席藏花幾玉鉤獨尋高卧者先問黑貂裘

醉蟹

郭索稱公子膏騰拜醉侯啜醜難獨醒入甕替君愁潦  
倒江湖夢酣嬉萸菊秋肯教孤左手先爲築糟邱

榴實山莊詩鈔

卷一

三

同孫竹橋登邀月樓看菊用壁間詩韻

料峭霜華偃仄樓散襟人至當探幽一眉月起天涯夢  
四壁花生鏡裏秋舊雨追陪如沈范新詩摸索辨何劉  
幾時穩買屯溪棹醉向松蘿日唱酬

題畫同竹橋作

朱藤

重花兼疊葉春風自婀娜惹起題畫人鄉心濃於我

蘭

幽蘭懷芳馨無言媚空谷不見紉佩人滿幅湘雲綠

枇杷

一曲琵琶花當簾薦初暑風味憶塘西蔗漿合讓汝

蓮

江南可采蓮蓮葉何田田我唱江南曲中心自可憐

菊

三徑未全荒老菊黃於酒去年風雨中故園作重九

菘

葉重肥寒雨科分脆老晴小園歸未得羨煞庾蘭成

水仙

榴實山莊詩鈔

卷一

四

肌膚若冰雪綽約若處子昔聞姑射仙今見洛浦水

雪羅漢

定裏寒雲證夙因翦冰爲骨水爲神棲禪朗悟空花境  
住世莊嚴本色身暫與白牛同卧地勝將黃土笑搏人  
此中妙果誰參得不動風旛淨六塵

祇林初地見闍黎淨域華嚴性未迷結習任教花著袂  
枯禪久作絮沾泥機鋒一指當涼月壽相長眉似凍梨  
卓錫布金何處任玉樓銀海是招提

不攜瓶鉢與蒲團一片冰心獨耐寒三宿應餘桑下戀



六如直把露同觀  
畫蕉祇合依摩詰  
煨芋還愁近嬾殘  
卅二裝成圓滿相  
拈槌豎拂靜中看

彈指池臺變相誇  
竟從滕六悟毘耶  
空香似繞梅檀氣  
淨色宜簪蒼葛花  
面壁自知除四縛  
轉輪可解衍三車  
天衣忉利渾無著  
冷坐閻浮獨結跏

結冬心跡喜雙清  
香火因緣歲晚情  
竹影梅花皆自在  
雲階月地大光明  
誰從鹿苑樵圓相  
難向魚山寫梵聲  
爲想閉門高卧客  
夜龕相對古先生

靜無能所態膏臄  
卍字胸前印一稜  
燒佛莫教求舍利  
榴實山莊詩鈔卷一

五

制魔不礙近摩登  
澄觀淡定隨流水  
寂照玲瓏有慧燈  
一卷楞嚴相映讀  
好參雪竇最初乘

血芝吟

爲汪丹林母陳太孺人作

寒風起庭廡坐客停  
銜卮斂袖肅清聽  
聽我歌血芝風  
芝何煜煜近在南  
山陲山上松柏樹  
山下女蘿絲春風  
爲纏結婀娜無參  
差媿媿陳家女悖  
嫵多容儀結褵事  
君子先後稱女師  
冰雪苦凝沍松柏  
摧高枝昔爲比翼  
鳥今作孤飛雌孤  
飛引吭絕心繫雖  
苦飢翦鬣不黔突  
撤璫難作糜買得  
采山斧樵蘇和淚  
炊山花滿歧路鄰

里春娛嬉東家阿姥至西家阿姑來閱此日作苦阿姥  
前致詞昨看青廬女無而婉婉姿金翠飾髮髻羅縠垂  
葳蕤柘屐兩頭繫作計當勿遲如何桃李花乃就霜霰  
萎含辛謝阿姥末語先漣湏山石有時泐妾心終不移  
抽斧斷五指颯颯驚颼吹一指血一合墮地生芝莢上  
有紫雲護下有紅露滋莖莖作血色殷如指斷時東家  
阿姥至西家阿姑來色駭相偶語嘖嘖私詫奇齊心祝  
所願紫誥封芝泥迢迢霞溪水映芝清淪漪岩岩溪上  
山覆芝高屣屣作歌告輶軒勤采慎毋遺

榴實山莊詩鈔

卷一

六

柳

東風吹綠鬪新鮮濃蘸波痕淡著煙離緒經時重觸撥  
春情何處不纏綿樓臺細雨藏青瑣簫鼓斜陽繫畫船  
輕暖輕寒三月近關心眠起嫩晴天

題徐生庵四丈悼亡姬雙卿詩冊

太華玉井水茗亭十丈蓮蓮開媚青霞蓮謝凝翠煙拗  
蓮截作寸寸柔絲牽組絲入雁柱化爲鴛鴦絃一彈  
春波瀉再彈秋月娟願君停錦瑟流光寶華年

女牀多青鸞嫋嫋棲煙竹鸞飛山鏡空餘竹抱寒綠美



人裁爲簫鳳翼參差束縹緲陟闔風吹作哀蟬曲仙雲  
癡不飛流響悽以縟或者青鸞車盈盈迴曼睪  
房中九張機機上五色絲顛倒織錦字淚結紅豆垂柔  
條自繚繞持底慰相思抽刀斷機錦曲室生涼颺雨落  
不上天花落不返枝珍重蓄光彩玉簫來有時

金陵送竹橋返新安

滄江波遠布帆斜風笛離亭起暮鴉千里鄉心生白嶽  
六朝秋色又黃花酒從孫楚樓邊醉雲向宣平隱處遮  
好去溪山同結屋苔磯爲買釣魚車

榴實山莊詩鈔

卷一

七

舟中

二月橫塘路東風有棹歌樓臺新水近楊柳早鶯多並  
舫來青雀看山寫翠蛾晚涼花底宿渺渺悵微波

題程溶川懷耕圖

遠山新翠滿煙扉木槿花邊看犢歸我有十雙田負郭  
幾年前已理蓑衣

登水明樓眺水會園舊址寄蓮峯上人

水明樓數笏軒檻倚城開風定千花入波平一鷺來當  
年盛壇坫聽客說池臺寄謝揚州鶴煩將問訊回

沙菊潭二丈偕過陳墨春八丈齋中看揚華山碑  
並觀所作畫册因留小飲歸後賦呈

秋風吹花花初胎尋花屐破西鄰苔入門淵淵出金石  
華山棗刻高崔嵬主人擁几氣磅礴手摹重紙研麝煤  
波磔審睇極杪忽尺幅珍抵干玫瑰金天古翠撲眉宇  
神寒骨重心顏開客緩讀碑請讀畫筆鬱律盤雲雷  
鶯溪之絹不滿咫晃金漾碧森樓臺煙巒窈窕翠欲滴  
鶯花刻劃天難猜就中潑墨更恣肆直走艾竹僵茅梅  
用法不爲六法縛摩空筆筆皆詩才想見擁被苦吟久  
榴實山莊詩鈔卷一 八

秋夢與畫相盤徊

徐生菴先生六十生辰賦自壽詩置菊百種招同

人飲霽峯園因病未赴賦二詩奉之

城北觥籌倚晚開名園秋色酒邊來菊爲壽客同高致  
詩襟仙心有別才一曲管絃新杖履數層雲水舊樓臺  
劇憐斗室維摩詰散盡天花未許陪

幾分水竹領清閒六十年華鬢未斑鶯燕風懷張子野



元長格調白香山黃金散盡仍豪氣絳雪餐餘駐妙顏  
舉似小三吾舊社東南風雅又追攀

旨辟疆水繪園有  
小三吾最爲幽勝

園址與霽  
峯園相近

### 往新安展墓留別何石閭八丈

廿載家園夢青山怨不歸松楸荒馬鬣貧賤對牛衣波  
濶征帆動霜高獨雁飛殷勤尊酒意幸未素心違

### 渡揚子江

破曉開江去長風滿柁樓岍移平楚失潮冷遠山浮易  
感菰蘆土難尋麟鳳州海門真咫尺日夜水東流

### 榴實山莊詩鈔

#### 卷一

#### 九

### 舟中詠霜

鬢絲有客感年華青女娟娟夜作花雁背影寒山月小  
槳牙聲滑水村斜瓊漿難覓雲英杵紅葉初逢杜牧車  
江上芙蓉道旁柳曉鐘催冷滿天涯

### 虎叩

衰草長洲路斜陽短簿祠山平金虎歇樓迴木魚遲七  
里鶯花舫三春艷冶詩我來尋講石清淨歲寒時

### 吳江道中

寶帶橋邊水氣涼隔隄颿影接湖光蕭蕭暮雨吳江路

楓葉全紅柳半黃

平望

漁艇成村落鳴榔聚晚煙波寬帆葉側網細水花圓  
浪歌銅斗浮家近葑田何當攜釣具鷗鷺與周旋

釣臺

安車迢遞走蒲輪大澤羊裘問隱淪終是名緣天子重  
笠檐簑袂豈無人

落日蒼茫冷將壇高臺突兀峙江干淮陰年少桐廬老  
一代河山兩釣竿

榴實山莊詩鈔

卷一

十

漁歌聲裏拂霜袍瀧水雲寒不起濤夜半飛閣看象緯  
郎官星大客星高

七里瀧魚歌

瀧上山色青如螺瀧前水紋平如鞞瀧中漁舟穿如梭  
一聲欸乃來新歌鷓鴣飛煙魚出波紅翎碧眼清不訛  
各舟鷓鴣皆以紅翎分別爲識鳴榔厲響紛攢羅漁兄漁弟時相過就  
中丫髻纔勝衰照溪畫眉雙修蛾千絲平撒生圓洞風  
斜雨細歸去那松根繫纜牽女蘿

東館



東館清霜夜天涯一棹還漁歸江上火客語月中山古  
水暗深谷暮雲生故關消寒思買醉村酒問溪灣

界口

谿雲山雨枕函收風景依稀指歙州沙尾苔清魚可數  
船脣石近水爭流便從猿鶴探鄉訛始悔江湖說壯遊  
咫尺黃峯三十六金光瑤草滿高頭

梅灘

萬點山圍一尺水水罅砢砢森石齒一篙不爭水倒流  
客歎奇絕舟子愁急湍溯激石譎詭如筍如襍如奔牛

榴實山莊詩鈔

卷一

十一

六時趁起舟六里鹽車峻坂羈驂駟我乘長風渡揚子  
雲垂水立羣山浮龍鼉蹴蹋翠蛟舞後策馮夷前陽侯  
天吳紫鳳助條歛剎那百里蒲颿收如何歸夢夜飛越  
曉坐灘石空夷猶藏舟壑谷趨可負或者大力來挾軫  
差喜山態滿枕席煙鬟雨黛消煩憂咄咄請歌邪許聲  
欲據上游須力爭

深渡

參天萬樹綠藏屋野渡一燈紅過溪篷背西風吹酒醒  
半山斜月竹雞啼

瀾潭嶺

十丈松篁夾道栽青鞋寒跼亂峯來林曉怪鳥斜通日  
路轉危灘驟起雷礪石橋平松頂過山花茶老雪中開  
瀾潭亭畔多時立剔盡殘碑繡澀苔

梅口山行

故鄉多好山千里覲真面逶遲蘭漿停峭緊筇屨便蘿  
磴緣數盤樵路通一綫扶藤俯陰崖攢石瀉回漩足未  
二分垂目先五色眩宛轉迴峯巒泓曄曄奇變擗鐘壑  
谷酣慘綠林樾絢蓬振風更飛松明雪猶戀同游異心  
榴實山莊詩鈔卷一  
士

動墨亦峭蒨

抵新安舊居

檜柏留先澤冰霜念此生已甘買山隱難覓薄田耕冷  
驛丹楓影危樓白雁聲誅茆依老屋練水映門清

溪上步月

酒薄銷偏易灘遙步不前山雲寒著樹溪月淡生煙人  
語高樓笛燈明隔岸船獨來歌水調千里共嬋娟

溪上曲



君如溪中水儂似水中石水流石不轉悠悠數朝夕春  
雨濕前溪摘茶鬥長爪五日茶槍齊六日茶旗老溪水  
清見底日向溪邊過儂留照顏色君去慎風波

除夕有感

胡雁北鄉來越鳥南飛時不惜毛羽瘁千里覓故枝故  
枝非不高空巢常苦飢灌莽各啁晰雨霰何襍褻捨榆  
飛不起誰顧鳴聲悲矯矯雙黃鵠健翮摩霄姿朝出翔  
雲表暮歸宿江湄

鬱鬱寒澗松吟風聲颼颼匠石忽延盼斤斧時相求一

榴實山莊詩鈔

卷一

三

斲五采椽一剡萬斛舟椽架連雲屋舟濟滄溟流指顧  
異千里見用不自由迴視舊林麓枝葉仍蚶繆若云材  
不材吾將問莊周

大圓潛斡運羲靈無停轡如何當除夕頓與平昔異共  
此燈燭光憂樂殊萬類令我冰雪懷對酒不能醉任山  
良獨難出山豈遂易松柏留初心猿鶴有別意無爲勞  
中賜朱華恐顛頓

至山斗訪程拂琴

得得籃輿自往還春前杯酒話鄉關重尋舊侶二年夢

添看新安百里山門外水雲驚客至雪中松竹向人間  
如何不蹋槐花路卧穩林泉髻亦斑

吟秋圖爲竹橋作

天宇澹碧生高煙一痕涼月秋娟娟空山窈窕白雲瘦  
桐陰翠壓雙吟肩老鶴一夏雛鳳舞扶醉尋詩月卓午  
吟秋何處秋可憐直與素娥鬪眉嫵

得酒謠贈程雪厓

雪厓長日心陶陶得酒如得綏山桃三蕉葉後心膽豪  
糠粃塵事噉徒勞時出俊辨清滔滔欲貴贈汝宮錦袍  
榴實山莊詩鈔卷一

古

欲富贈汝黃紫標美人鉛黛揚雙翹才人荃蔭歌楚騷  
黃雞白日相促偪何苦如蠅鑽紙鷹繫條况聞平地多  
波濤九疑對面峯巒高虛舟觸船人不怒醉者墮車神  
不撓姑與啜醪哺其糟方寸之外輕鴻毛達士磊落俗  
士笑伯倫視汝真蟲么我聞爲作得酒謠歌響未竟風  
蕭颯

重過釣臺

乳香巖畔早春時來往煙波託檣枝七里雨絲風片路  
畫眉啼過子陵祠



如皋芥潘補山

玉梅花謝雪初殘，迢遞音塵欲問難。  
射雉三年虛買笑，烹魚百里勸加餐。  
白門秋老烏啼樹，滄海春寒笛倚闌。  
同是天涯倦遊客，故鄉山好夢中看。

前溪

征帆葉葉下前溪，溪水東流不復西。  
我願沿溪山上樹，一枝枝有子規啼。

送湯莊樵

客吟常落落，涼夢閉煙蘿。  
之子忽相顧，碧雲秋思多。  
清榴實山莊詩鈔卷一 五

聞絡緯憶靖江故居

青桐影落月，皆黃簾外娟。  
娟露氣涼，二十五年燈下夢。  
豆花圍角絡紗孃。  
靖江呼絡緯為絡紗孃

柬王厚菴兼懷孫崧甫

珠園水木漾空明，別後池臺想更清。  
煮雪未知誰共語，看梅定與鶴同行。  
隔簾月魄初三影，倚枕更籌廿五聲。  
爲問酒樓舊孫楚，諒能解我歲寒情。

孫復初畫行看子貌余於其右索題

團團桂之樹上有雙飛禽文彩各異質相對交好音一  
願集深谷一願翔上林同抱寥廓意不盡纏綿心望雲  
令人高測海令人深滿酌杯中酒與君往復斟

縹緲昆侖墟層城高九重其上曰元圃其下曰樊桐綽  
約諸仙人往徃棲其中霞餐復雲卧紅頰雙青瞳茲山  
萬餘里處處青芙蓉仙人未住處常有無數峯安得我  
與君並轡驂虯龍追隨羣仙後永葆冰雪容

時復初講  
性命雙修

之學

昔有相思人命駕輒千里我與君同岑相去但尺咫君

榴實山莊詩鈔

卷一

六

何視爲遠並圖入畫裏人生如風雪出處難預擬一旦  
搏扶搖南北可異軌持此相周旋晏笑無時已車馬雖  
間關襟裳尙聯擠嵒嵒江上山湛湛江中水我願山水  
間再寫數知已

荅常高庵

一鶯嗁花花滿牖延花同醉補山酒萬花卧月月滿堦  
邀月同讀高庵詩新酒一醉一回顚新詩一讀一回緩  
月魂花骨兩雕鏤字字春風向人暖天葩旖旎才人才  
粟界湧現千樓臺百三十首蹙錦縑嵌以青珠紅玫瑰



金鷺側筵屏風開翠蛟舞波長風來有時天宇湛空碧  
老鶴瘦抱孤山梅詩境奇闕足光怪雲龍上下誰能陪  
橐籥豈止三舍避旗鼓直欲千人摧明光作賦貢玉陛  
軟紅一蹋鞭重回天使扶輪倡大雅東南壇坫開尊疊  
醪醲烟溼櫻桃雨射雉城邊識君處笑我年年彈水仙  
對君束琴不敢語雨香庵裏笈成竹詩榻苦吟奪新綠  
訪君知君詩滿幅坐向水明樓上讀

金鑠

王辰得副車作

金鑠葳蕤啟洞房博山爐暖鷓斑香  
牕前十斛新螺黛  
榴實山莊詩鈔卷一

七

祇畫徐妃半面妝

一股鸞釵鬥草歸爭春心事是耶非  
重翻繡譜尋花樣  
好向東風換舞衣

解唱新歌便有情珠喉宛轉學流鶯  
如何十八胡笳拍

副榜名

次十八不及霓裳一尾聲

又是相憐又是噴教儂  
嘍笑兩傷神朝來女伴殷勤慰  
多少春冰溼枕人

生葦先生與哲嗣壽莊入都詩以送之

紫鳳排闥闖翱翔攜其雛紅鵠舉江海纏綿別諸鳥尊



酒寄繾綣風雲指搏扶輕颺從東來吹綠庭前蕪御觴  
各積息飛夢龍城隅行矣步天闕揖謝轅下駒

青岱有雄姿黃流無停波驅車一以眺秋色生關河似  
聞囊中語金臺高嵯峨懷古抒奇情寶劍三摩挲挾瑟  
大道倡婉孌誇脩蛾紅絃向客緊奈此娟娟何落日多  
風沙千里蒼茫過行役邨不感吟寄山中蘿

昔聞長安美出門西向笑蹀躞長安中軒眉豁條獻懷  
中一寸冰持以語清要篋中一尺書奉以獻

廊廟激流及蓬瀛攀芳厯綿嶠從膺天上謠一洗人間

榴實山莊詩鈔

卷一

六

調依斗望京華玉卮爲君醕

消寒雜詠

圍爐

寒爐靜擁影婆娑茵褥氈簾坐嬾窩雙袖漫籠垂紫鳳  
一杯小飲暖紅螺薰香佳客留談久點雪枯禪入悟多  
怪底耽吟詩骨瘦笑從灰裏撥陰何

擁被

一幅青綾久自隨霜晨月夕峭寒時幸無衙鼓催人早  
常恐書燈妬睡遲偶戀春尋前度夢最多稿是此間詩



梅花紙帳清閑味多少金龜客未知

煨芋

學煮仙家白石來紅泥小火地爐開選時大有掄魁意  
分處誰爲作相才自是園收供歲晚每防書誤被人猜  
東坡玉糝同風調冒雪無從覓酒材

爆栗

紙閣曹騰檟柑紅閑拋山栗樂兒童驚人竟有先聲奪  
得勢真如脫穎工半褪紫衣輕麗殺一痕黃玉綻玲瓏  
寒宵隸事誰多少莫學休文諂乃公

榴實山莊詩鈔

卷一

九

炙硯

侵曉安排鵲尾爐一池波暖眼窺雖墨痕化比詩心活  
石骨堅知火氣無若笑冬烘真絕倒却從凝煉見工夫  
閒牕好滌冰麤筆帖寫宜春几淨鋪

烹雪

散雪新歌一曲殘竹爐松火薛階安翦來花水痕難覓  
聽徹竽笙韻亦寒剛近梅檐驚鷓夢預排茗椀試龍團  
覺家風味都全別祇解紅羅帳底看

雪夜東洪南垞

畏寒常遣畫簾垂咫尺偏多別後思  
歌枕獨看春早雪  
停杯重讀寄來詩  
盆花綠萼初開處  
燈蕊紅蕤欲燂時  
近憶美人樓閣底  
十三瑤柱理冰絲

夜坐

地僻苔侵石松涼露滿衣  
身隨雲共住心與鶴忘機  
花事客中嬾藥苗  
春後肥釣車明日理江上覓魚磯

酬家梅孫孝廉時王講雉皋書院

仄徑莓苔屐齒侵  
絳桃吹老講堂深  
停雲人共天涯酒  
落日春寒海上琴  
與石盤桓松有態  
看花來去燕無心

韶貫山莊詩鈔

卷一

三

早知詩稿牛腰束  
飯顆相逢莫苦吟

真州返魂梅爲陳月卿作

舊港平蕪綠化煙  
東風難問劫灰年  
嫩寒照夢二分月  
翠羽不來花滿天

題月卿海天片石圖

北風吹海海水立  
多年老蛟捧珠泣  
化爲瘦石蹲海濱  
萬尺銀濤向根齧  
月卿屠龍好身手  
以足驅石石不走  
安得一泓瀉杯中  
醉歌曉策扶桑紅

移居



春蠶一寸繭秋鳥一尺巢顧此棲息計身心爲之勞平生足意氣百尺浮雲高如何迫雨雪慙沮不敢豪汗駒亦伏慙斥鷃亦捨蒿孤雲獨無依斯言吾憶陶

枳有時棲鳳蓼未嘗無蟲寒士思大厦蝨誦阿房宮安得環堵室聊以蔽雨風東壁積圖史西牖栽椅桐淵淵出金石歲月長此中斯願亦易足息壤將何從

車馬出達路闌闌列通衢不爲洛陽賈定作府中趨客言此卜宅湫隘囂塵俱笑汝澹蕩人近市不可居我愧非名士豈敢棲菰蘆朝夕得所求請學晏大夫

榴實山莊詩鈔

卷一

三

龍慧寺畫壁

古寺秋煙裏當門樹影涼客如諸佛冷僧比老農忙細草侵危石殘鐘出夕陽聲聞參不解却有木樨香

題蓮峯朝山行記

萬里煙霞一卷收峨嵋古雪華山秋鉢中麻麥隨緣住雲裏龕燈爲佛留澗谷不驚深夜虎江湖時見故鄉鷗芒屨峭緊吾焉得讀向華巖作卧遊

環溪舟中坐雨

篷背秋聲碎溪邊倚醉聽荻搖低岸白山失隔江青柳

重鴉難起橋喧展不停誰家臨水住煙外晝常扁

### 石尼行

女貞木枝黝蚪誰欺摧之噫鷓鴣朝霜暮霰樹不死瀟

之滌之江之水一解石家有女好顏色蔦蘿隔鄰託松

柏可憐貧女婿難擇二解青廬開鄰姥來嘖嘖稱女如

瓊瑰女意惕惕作纖步上堂拜姑姑色怒三解作女掌

中珠作婦道旁蕪昔無完襦今無完膚背鐙飲泣鐙爲

枯鐙燦燦女心碎四解女不嗁姑勃谿操杖擊女欲女

爲鶻女息奄奄聲澌澌姑掩關卧搥牀大詆詰朝將而

榴實山莊詩鈔卷一

三

飲鯨鯨五解冷月射扉秋風吹衣中夜女避孱孱何依

自念葬魚腹不如向佛深懺前生非闕戶剗行誓佛無

歸六解女潛亡矣姑心惶矣衆室於怒母族強矣百舌

一辭沈之江矣七解明明邑侯獻牘而疑趣駕江泔搜

波剔湄道旁觀者歡喜涕洟八解三老突來前致詞移

華菴尼神似之朝判牘下暮女伏階輝白日昭昭天四

垂九解女歸告佛佛亦駭人間真有虛心宰女貞之木

青不改十解

### 題脩到梅花館



流水滌輓紅空山蘊疏碧春風三百樹羅浮在咫尺老  
鶴呼不歸仙館敞幽適酒夢生雪朝吟魂澹煙夕中有  
餐花人前身指蟾魄

榴實山莊詩鈔

卷一

三

榴實山莊詩鈔卷二

吳存義 和甫

襟感

庭樹烏未曉車聲遠巷出月落參橫斜  
輾轉不肯息黃塵高十丈結軫去如織  
文瑤鏤華翰連錢飾鍍勒汗溝何駮  
駮迅刷爭晷刻借問客胡爲相視對以臆  
長波無逸鱗喬柯尠倦翼瞻言金門隱  
望古豈易得

弱冠操觚翰局促恥鄉里聞客長安來  
歎唾亦可喜一旦搏扶搖通籍金闈裏  
峩峩闖闖居濟濟卿相軌如何榴實山莊詩鈔卷二 一

清夜夢輒入舊牕几身爲出岫雲心作在山水簪纓與蘿薜結言託君子

芳渚生蘭茗婀娜巢翠禽旦旦其棲息宛轉揚其音  
高風吹弱翮千里翔華林鵝鷺相頡頏鸞鳳相歌吟  
朝遊元洲湄暮宿丹山岑豈不耀文采相託有淺深  
眷懷江上侶長保歲寒心

題陳東之篆書楹帖

元龍豪氣太嶽奇袖裏神珠應手馳親見霜毫橫埽日  
廿年心力嶧山碑



恨未遺書著等身，零縑斷墨總堪珍。不須更聽山陽笛，  
讀向春風自愴神。

喜晤李小蓮

幾年江海別，意外橐裝來幕府。留詩本風塵，試吏才鄉  
心生水國秋。夢滿金臺無限蒼茫感，宵闌託酒杯。

和東坡饋歲別歲守歲三首原韻與子序同作

閩闔多風雪，冠蓋集賓佐。歲晚聯餘歡，山海庀珍貨。冰  
魚裹鱗織，棧鹿堆尾大。牲餉金盤高，來歸玉瓶臥。副以  
新唐花，嫣紅照深座。童僕紛如織，歲歲驢踏磨。冷官獨  
榴實山莊詩鈔卷二  
二  
何爲佳節掩，關過忍寒出。新詩裁筒索，酬和

我別京華歸，車行常恨遲。歲華別我去，行速偏難追。不  
恨歲易別，但念生有涯。餞歲置尊酒，願歲駐少時。寒梅  
花初胎，凍雪添愈肥。花下一斟酌，幸無遲暮悲。况有素  
心人，酣醉勿復辭。對花呼玉醴，莫令朱顏衰。

作詩如寒蟲，作字如秋蛇。歲歲守故轍，汗顏那可遮。舊  
歲行欲盡，新歲當如何。中夜推枕起，萬籟清無譁。獨念  
下瀨船，誰作迴颿撾。空庭散微步，珠斗光橫斜。承明有  
著作，壯歲毋蹉跎。飽讀東觀書，此願當非誇。

晚坐

經旬足夜雨積水當階生憑軒一俯眺中有流雲行倒  
影寫樹石衆綠交縱橫旣無荇藻雜復少鳧鷖爭天光  
與蕩漾上下餘空明測之不盈指迺有千尺情悟彼靜  
虛理所得在懷清小坐有詩意壺觴聊自傾霽色上高  
槐歸鳥相和鳴

和汪少泉夢遊黃山詩原韻

昔歲挂歸帆看山枕席上窈窕數百里層巒如疊浪慣  
見亦尋常久別却惆悵卽今踏軟紅何處賞清曠黃峰  
榴實山莊詩鈔卷二  
三  
與白嶽懸想難景狀祇向齋壁間捫視山水障宛如畫  
駿馬格具神不壯君胸盪層雲浩浩祛俗障新詩敵顏  
謝遐契結禽向飛夢落天都蒼翠接諸相醒來自追寫  
雲石獨醞釀何當卅六峰高處將梅放

題畫

五雲池館曉玲瓏淺碧深紅各一叢花韻初晴藤上格  
倚闌隨意寫東風

分無燕笋堆青案那得鱗魚出翠濤賸有江南風味好  
柳花時節賣櫻桃



擬老將行

北斗卓地迴衝鷗吳鉤一拂霜花高歸逢醉尉不敢叱  
將軍意氣騰餘豪少年學挽黃肩弩短衣夜射南山虎  
夢裏時間勅勒歌閒來愛作巴渝舞三十從戎向賀蘭  
白狼冰結鐵衣寒長風躍馬吹笳上落日盤雕撚箭看  
雄心轉戰橫青海陰山雪照明光鎧一萬重花塞北春  
三千丈髮天西改年年刁斗臥金微玉帳曾揚奇闔威  
親傳露布防秋定自製饒歌唱凱歸歸來寫上麒麟閣  
英姿爭肯輸褒鄂頭白猶呼曳落河時平寥寂韜鈴畧

榴實山莊詩鈔

卷二

四

酒酣重憶舊龍沙笑指盈顛說鬢華騎驢湖上雙隄柳  
荷鋪門前五色瓜種瓜躡柳春如此洗兵直瀉銀河水

袁厚奔同年作消寒集用東坡江上值雪詩韻余

以事未赴何蓮仿同年以詩來依韻答之兼柬

厚奔

十日坐損搢牀龜門外黃塵深不知北風挾響入庭樹  
時聞鬻栗寒更吹地鑑對擁亦不惡偶憶舊句撚吟髭  
瓶笙細細出蚓竅有如凍溜行冰澌茶夢正圓靜室靜  
酒兵敢鬥危城危城南壇玷建旗鼓坐中健者推袁絲

天龍紛綿落刻阻鏗刃莫水非人爲裁事欲走王仲寶  
作賦不讓江總持通眉長爪正年少貌姑綽約冰雪肌  
劍氣飛練射筆底一映可取精精兒古歡相結煮雪夜  
豪概直逼談天時我今寒餓乏秀句敢以蕭艾充蕙幃  
何遜選事太狡獪散花自許天人姿詩如炙輠極揮灑  
飲似漏卮何淋漓閉閣但解投客轄十日不拜黃金墀  
偶摩秦壘憶疇昔鏃翮笑我先紛披那堪長句更騁剔  
日夕詩檄相交馳長安歲暮居豈易焉得右手常把卮  
南山猛虎有人射短衣匹馬難追隨倘過我齋烹石鼎  
榴實山莊詩鈔卷二

五

聯句請學韓退之

順治辛丑搢紳冊題後爲韓小亭農部作冊舊爲

紀文達公藏本法時帆先生跋定爲辛丑以王

西樵次年遷考功也時王文簡公爲揚州推官

冊後有儀徵相國跋云藏有明天啟間搢紳一

冊亦罕見也

國初盛文獻河嶽同宣猷丹青足神化一冊兼金留當

時紀銓叙列肆皆可求誰知二百載寶之若瑯球河間

富著述萬卷精校讎此冊資考據亦爲鄴架收譬如古



金石豈徒羅尊卣跟肘識鱣柳乃知甫田蒐韓君澹雅  
才藏書高蓬邛挈摩得古趣一一探其幽示我新獲冊  
讀之心夷猶冠蓋及百爾郡邑拓九州跡其所不朽非  
獨官階優勲業照鐘鼎雅頌扶輪軸遂覺日星氣不廢  
江河流能令一寸簡藉以傳千秋後起各珍重馳驅爭  
驛騶爲念塵彼觀及時追前修

送何蓮仿同年南旋

蕭瑟江南賦蒼茫渭北詩那堪早秋日相送獨歸時  
擊鼓滄波急鄉書驛路遲艱難對檠燭何以慰親知

榴實山莊詩鈔

卷二

六

好去君山屋重尋舊隱居遙知蘭漿近正及桂花初  
顧我思長策言歸奉板輿何時兩鷗鷺徃復隔江書

題徐樹人太守濰陽靖逆圖樹人有詩二十章紀

其事

使君來書生耳雪色刀光照濰水妖鳥不飛凍雀死機  
槍一掃捷如此斧赤眉刃青蛾磨盾鼻唱凱歌聲慷慨  
頌聲續使君五馬民買犢我持斯圖告民牧書生能  
造蒼生福

題劉悌堂同年碧山樓隱圖卽用自題原韻



烟嵐娟娟谿壑靜山花繞屋雲萬頃谿山如此不歸山  
夢裏時懸故山影春明塵土蹋漸熟秋江鷺鷥盟欲冷  
蹇驢破帽老杜陵空聽黃鸝日三請山中苦飢飢亦得  
早促歸囊愛光景况聞海上鼙鼓息江漢迴颿道不梗  
藤梢橋刺須料理久客那勿念鄉井鼯鼠飲河期滿腹  
人生底處爲足境下澗之田得十雙束耒開田望榆杏  
看山排闥對山吟歲月寬閑詩趣永君迺軒眉笑向予  
責人左計自當省聞有老屋屯溪濱尋詩日坐松蘿頂  
別來猿鶴已騰踴行見移文見舊嶺却怪嗤人鴻鵠飛  
榴實山莊詩鈔卷二

七

輓徐生莽先生

呵壁天難問悲秋獨愴神烽烟生海上耆舊失斯人感  
鵬何時賦騎鯨孰與馴那堪千里外風雨此蕭晨

絕調哀中散寒芒賈少微耽詩前輩有勤學似公稀祕  
錄瑯嬛笈新裁錦段機却愁春草綠重爲讀妃豨先生有



最是韋編絕研精讀易軒清言笑王弼陸緒理虞翻世  
少奇文賞名空老宿尊元經遺草在寥落測天根

讀易軒文

集數十卷未梓

結客千金橐看花九節筇人如陶孟澹屋抱水雲濃絲

竹前塵杳莓苔峻壑封霽峯圍畔月淒絕照芙蓉

圍爲先生

別墅極水石之勝

題魏實齋司馬留真誌感圖彭春農學士爲作傳

記其事

妖鳥嗜嗜月魄蝕融風吹空鬱攸塞夢回五鼓鼓統如

榴實山莊詩鈔

卷二

八

礮礮射牕天無色女丁婦癸相睽眾彤幢絳旃紛頃刻

赤燦下視不敢怒中有人兮哀罔極沈沈官閣聲拉摧

零縑斷素皆烟煤就中縹軸獨端好擊出頓使驚魂回

咄咄章莪百丈嶺譌火不焚慈竹影分明新宅生青蓮

一刹那間發深省再拜展卷心踟躕畫中安穩花間興

衰池重寫迴鸞紙搜篋難尋封鮓書寒松堂高去天咫

燭龍銜杯照濁水名臣之後得孝子誰歎傳之柱下史

往海澱道中

白堦紅亭次第來城闌望隔曙霞催遠山樓閣雲如畫

近水松杉戶不開渴飲馬趨馳道熟耦耕人看早朝回  
稻花香裏吟鞭穩一路蟬聲落翠槐

送葉魯泉返新安

奉君以紅羅寫影之深閨青棠蠲忿之初花金屑檀槽  
之么韻綠尊翠杓之流霞黃雞催日苦夜短瑤斗西指  
繩河斜中年行樂幾絲竹况復聚散如搏沙溟鵬藩鷄  
更相笑不如蒲颿峭挂秋還家還家亦何有青鞋蹋山  
山雲賒世態不入泉石夢舊盟肯使猿鶴嗟吾鄉山水  
稱大好福地卅六無能加白雲蒼狗看變幻醉眼欲放

榴實山莊詩鈔

卷二

九

仍麻茶海嶠蟲沙尙歇歐河洛魚鼈空嗟呀念此更憶  
山水窟拂袖便合窮幽遐君才槃槃鬱奇氣鷗鷺拭徧  
新莫邪寶匣沈悶湛秋水終隨龍氣高騰擊涼秋八月  
天寥泬送君直作迴颿搥練江冷冷六百里紅黃霜樹  
紛天葩芙蓉插空接青靄翠嵐窈窕梳髻了中有妙蓮  
華萬朵玲竚月珮流雲車美人相思隔秋水坐覺詩夢  
飛天涯天涯有客抱秋感圓冰秋對雙鬢華崔儵入室  
有卷軸東坡挂壁無畫幀何時共君結茆屋料理春筍  
尋蕨芽葛巾自漉碧縹酒長鏡閒種青門瓜但令鬱單



有安室底用句漏求丹砂歸風送遠動琴曲鄉思已渡  
秋江葭君過屯溪鷗鷺相問訊道余汗漫遊倦將繫滄  
江槎

寄題劉小槎握蘭圖

采蘭步前墀萬花滿山屋春風從何來湘雲結新綠握  
之思遠道綿綿寫衷曲能令同心人幽夢越巖谷  
巖谷飽風露萬里升紫庭花花自婀娜葉葉何蒼亭胡  
爲獨寶貴雅潔懷奇馨在山侶蘅芷出山貢殿廷願言  
初秋佩薰修躡芳型

榴實山莊詩鈔

卷二

十

渡盧溝橋

浩浩桑乾水雄關控近皋烟開沙岸闊山擁堞樓高樹  
影隨征騎霜華拂曙袍觚棱迴望迴秋色滿雲鰲

良鄉曉發

澹黃疏碧柳千絲又是駢驂曉動時萬里星軺天末路  
九秋雲物客中詩烟寒水驛連檣起霜滑山橋匹馬遲  
暢好江南風景似蘆碕荻港近琉璃

涿州張桓侯井

百尺飛流影對之心膽寒英姿何颯爽古水自淵瀾草

木聲鳴叱風雲氣鬱蟠蛇矛思盪決鹿野表洄湍慷慨  
侯扶鼎徘徊客駐寧汲多苦贅缺捫久鮮碑刊故里傳  
遺老離宮憶永安火誰窺蜀井祠尙薦秋蘭刁斗當年  
字靈旗落日壇蒼涼懷古意霜葉下林巒

定州至新樂道中垂柳千株行列甚整

六萌車畔柳陰陰綠徧當年著作林勝似去思碑上字  
長條猶繫往來心

贈石子襄同年

治兵如治齒養民如養目斯言明且清持以告司牧請

榴實山莊詩鈔

卷二

十一

觀漢循吏治行皆卓犖豈務赫赫聲安靜便民俗石侯  
同歲生山洲抱蘊蓄蓬蓬膚寸雲灑潤徧萬族二年宰  
阜城橫琴乃無屋官賃伯通廡民買渤海犢祇今聞父  
老談之淚簌簌茲歲治東垣傳舍紛輪轂束帶見長官  
聽漏理塵牘喜我賦皇華夜語剪官燭不恨良覲遲轉  
悵郵程速破曉看秋山邨烟冱寒綠

蘆花

料峭西風不斷吹長烟短雨驟開時晚涼漁艇起銅篷  
秋老畫橋扶柳絲低映波痕鷗睡穩斜拖沙暈雁銜遲



蕭疏欲試黃筌筆瘦蟹輕搖寫折枝

從伊洄湖意如何瑟瑟溪流渺渺波風緊又添飛絮路  
月明初斷采菱歌郵亭擁被新詩少紙閣垂簾舊夢多  
離緒不須聽塞管鄉心竟欲借明駝

隨人秋色向天涯水郭烟邨一道斜曉角霜寒迷去馬  
暮林波遠點歸鴉衣裁荷萸非充隱路隔芙蓉更憶家  
多少關河搖落感征袍相對尙清華

露結滄洲亂葉乾接天豔雪影漫漫向人心比羣花暖  
得地秋生萬水寬湖海周旋窮士少雲霞俱養白頭安  
榴實山莊詩鈔卷二 五

春潮記得河鮓上卓筆新牙綠滿灘

宿臨洛關孫高甫同年宰曲周百里遠來六年重

晤卽和見贈原韻

百里關河遠唱騶郵籤迢遞儘遲留贈行詩草彈毫豔  
話舊燈花對榻秋眼底月添南詔色夢中松老北山遊  
崇川同遊北五山看古松轉瞬十年矣頻年視匣皆塵網敢說珊瑚洱海

收

湯陰謁岳忠武祠

落日瞻祠宇靈風肅殿帷重揮千古淚來讀兩楹碑南

渡旌旗杳西湖草樹悲  
我我忠孝字興起里人思

祠前石刻

忠孝二大字

### 淇水橋

遠樹浮嵐翠靄蒸倚山樓閣一層層  
分明畫出營邱稿  
欲染烟毫上剡藤

萬壑懸流瀉湍沙清石瘦照人寒  
鷺鷥飛處春雲確  
絕似新安七十灘

### 裴晉公墓

穹碑照路鬱蟠螭相業元和薄海知  
淮蔡勲名深雪夜  
榴實山莊詩鈔

卷二

三

園林鐘鼓中興時逍遙綠野歸來第  
酬唱香山老去詩  
下馬午橋尋舊址石麟秋草影離離

### 道上土山夾峙數十里中僅容車

詰屈崎嶇仄徑存殷紅霜草拂輪轅  
山川奇可談孫楚  
邱壑深宜置謝鯤却笑醢雞初舞甕  
剛容野鶴得乘軒  
伯宗避重知難事峭壁藤蘿不敢捫

### 烏棲曲

楊柳垂綺疏上有雙棲烏  
碧紗如烟秋月冷夢轉紅粧  
見雙影銅龍鳴咽珠斗斜  
一聲唳散青女花烏棲夜夜



抱庭樹明日行人宿何處

荆門州宿龍泉書院用東坡荆門惠泉詩韻

山行數千里未曾蹋泉脈  
蒙山獨蒼翠磴一水坼流  
雲寫寒綠坐石盪塵膈  
中夜聞清冷俗響絕鳴  
泉上開講堂主席幾纒  
帛讀書山水間清福定  
仙謫迺無聲  
伊晤但對影澄碧曉起  
登山亭雨餘看樹麥

虜陵驛

在公安縣驛舍爲江  
水所沒借宿民舍

襍被投荒驛柴門對淺沙  
乾芻爭櫪馬禿樹亂村鴉  
江濶炊烟少雲低野岸斜  
蕭條茆屋底落日聽清笳

榴貫山莊詩鈔

卷二

十四

響琴峽

峭壁分雲斷奔流激石飛  
何年開斧鑿終古韻絃  
徽谷險山禽少烟寒野  
竹肥危梁憑百尺冷翠  
撲征衣

游牟珠洞

十萬峰巒看已足奇游  
更入青山腹迴環磴道  
轉羊腸洞口給訝俯蒼  
麓初撥雲根側肩入古  
苔寒逼襟痕綠迎前石  
墻何璫瓏玉筍攢排圍  
一束天光下漏細於笠  
如坐智井窺昏旭探幽  
搜邃極恢詭暗壁嶙峋  
不敢觸老僧爇炬作導  
引編秆頃刻光明燭口  
講指畫示客奇

真覺瑰怪賊心目飢鷹側攖瘦蛟立怒螭倒垂馴象伏  
偉哉造物肆搏弄萬狀億態無一複我穿屈曲恣冥搜  
宛轉秋蛇赴峻壑但許羊鬚捋數珠底須鍾乳傾千斛  
石氣逼人毛骨冷忽聞天外喧琴筑深潭映火澗黝碧  
始驚巖底藏飛瀑安得擲杯渡彼岸定見牟尼照金粟  
諸天未肯洩幽祕我亦倉猝難辟穀却捫舊蘚出山來  
滿山杉檜嫌塵俗如讀靈威未見書長揖山靈謝巖谷

山繹行

入黔無平區十里山八九峰危闢霧深磴仄盤雲陡籃

榴實山莊詩鈔

卷二

五

輿懼不前柘屐徒去後飛少奇眩車擘無巨靈手既難  
懸布登誰能挾輈走舟壑詎可趨蜚駟豈易負迺有乘  
輜人遠法結繩后帶索齊側肩縮板剛布肘嗟來呼蟻  
民羣至襍鳩婦唱于復唱喁駕左亦駕右捷足猱升木  
駢頭鱖貫柳千孑如連雞發縱等功狗蜿蜒常山蛇騰  
趙深竹魴數可益多多名不問某某急似鹿鋌險遲類  
鶴頰首下坡鷹去綠投驛狖離扭能助向平游堪爲康  
樂友有力勤胼胝無田闢畎畝稱錢各計銖黔中錢皆以稱量輕  
重不以數計得米或盈缶行客視畏途居人恃利藪始知生



岡巒似爲謀升斗，厯盡路崎嶇。益信天仁厚。

老鷹崖

行盡磴確登一峯，峯頂又起峯。數重如累十，碁積不墮。  
咄嗟狡獪輸天公，我行磴道盤虛空。縹緲直上摩蒼穹，  
俯視雲氣滃萬壑。縈青繚白烟，蒙蒙不知大地落何處。  
恍未開闢游鴻濛，眼前恠偉露咫尺。瘦石突兀寒苔封，  
飛雨撲面細於霧。瀟瀟漫四卷，隨罡風。堅冰皚皚着草木，  
瑤葩瓊蕊紛玲瓏。此外杳靄但積氣，溼雲稠疊來蓬蓬。  
五年我住蓬萊宮，吟夢幾見青芙蓉。飈輪玉節馭萬里，  
榴實山莊詩鈔卷二

六

迴向霄漢開心胸，雲中粲粲誰珥珮。烟綃霧縠駭鸞從，  
豈有絳雪換凡骨。御風已躡神仙蹤，遙知塵界望我處。  
但聞長嘯烟雲中。

聽苗人蘆笙

纏臂蠻花槿布滑，一尺紅梳斜插髮。蹋雲不著鴉頭襪，  
兩兩蘆笙吹向月。城上秋笳月墮遲，城邊低枕夢歸時。  
關山萬里清霜夜，莫把蘆笙傍客吹。

霑益道中

疊石平蕪濕翠烟，邊城風日愈清妍。官梅東閣時三九。

英簃南溟路八千水態山容殘雪後菜花豆莢早春前  
暄和畫出江鄉景祇少紅橋撲柳綿

和熊仲山大令同年見贈原韻

五年芳訊隔詞人六詔馳烟忝使臣南越看修生翠貢  
道逢緬甸貢使東華同憶軟紅塵酒邊蹋雪千盤路雲外尋山  
萬里身笑向天涯拓金戟濃花野館百蠻春

啞泉泉去嵩明州城廿餘里在海潮禪院側

貪泉趨若鷲啞泉戒勿飲顛倒衆生心誰與發深省昔  
人傳此水一酌輒噎哽能令懸河口聲瘖在俄頃豈知  
榴實山莊詩鈔卷二  
七

題家紫樓刺史古寺繫牛圖

紅石崖前青隴開使君露冕班春來春田犂确春泥重  
無牛辜負牧人夢使君與爾殖田疇賣劍買得渤海牛  
攀轅留君君不住架犁聲在烟濃處爲民說法衍牛車  
年年花雨鋪桑麻寺壇石幢牛礪角居民呼作時苗犢  
摯孝圖爲鄭稼修太守太夫人曹太恭人題



風蕭蕭月漼漼一濡縷血達真宰峩峩闔闔高九重雲  
衙衙兮誰與通億萬千里憑寸衷嗚向天笑向姑潔滄  
量藥媵妮趨朝劑刀圭暮滌廁腑中夜拜前除寒風入  
帷涼月在裾鞭百草不如奉我一片愚一片愚三寸雪  
裏臂奉姑血猶熱鬱儀下視鉛淚結靈簫墨會左右列  
聲恍惚兮代歎歇晨趨高堂姑媿而康千里報夫子望  
雲趣歸裘鍾山兮將將淮水兮湯湯疇匪相夫子疇匪  
侍姑媵請視斯圖兮禮女宗於鄭鄉

宿龍泉寺和汪雲壑前輩壁間詩韻

榴貫山莊詩鈔

卷二

六

深谷尋詩如縛虎神力搜幽寸心苦推烟唾月詩滿山  
妙語得三已失五綠蘿磴窄疏磬涼青豆房高佛燈古  
開襟小憇澹塵慮瞥見新詩樹旗鼓捫壁一讀一快意  
奮袂直爲交蔗舞看花蓬島領羣仙證果菩提叅六祖  
就中詩味得禪悅如鉢瓶水着鹽鹵心空及第此三昧  
聊印後人開智府我喚山靈和復吟萬壑松濤逗秋雨  
老鶴窺牕雲不飛那知下界何塵土湫底睡龍垂千年  
浮沫跳珠自吞吐笑我詩懷結四縛欲穿魯縞爭強弩  
入山已覺深復深懷古更令慙然慙何當鑿壁鐫舊題

石隙還將和詩補

曉起登樓

幾稜秋色寫清妍  
隱隱池臺淡淡烟  
宿鳥盡情啼樹杪  
曉雲餘嬾戀山顛  
登樓詩少初題壁  
侵袂涼多欲着棉  
翠海俯憑三十頃  
藕花香到畫闌前

夜坐和張竹溪韻

樓上清尊月可中  
鐘聲飛下五華東  
隔城山氣橫雲白  
出樹燈光盪水紅  
秋對星河餘歷歷  
醉談九劍笑空空  
更闌同覓江鄉夢  
鶴背高寒欲御風

榴實山莊詩鈔

卷二

九

武定多狼爲民害官禱於神殲之爲賦驅狼行

恠石怒蹲深箐黑  
驚風吹砂月魄蝕  
狼去夜交攫人食  
毒矢強弓搜不得  
誰馴列缺駢豐隆  
霜鋌影閃神燈紅  
鞭巖咎壑淨羣醜  
精神直與明神通  
吁嗟山澤何不有  
猛虎雖猛尙林藪  
白日磨牙弱肉愁  
錚錚請試埋輪手

秋夜

屋角青杉落影濃  
篆烟微颺隔簾風  
牕留塵跡窺松鼠  
階滿秋聲咽草蟲  
天末宦情雙鬢改  
兒時書味短檠同  
閒歌水調看明月  
玉宇瓊樓憶長公



題周初白醫竹軒詩集

初白初白真左計拋却西湖作滇吏白水書來手板名

時官白水巡檢

青山住徧頭陀寺今雨舊雨海上游團雪散雪

花間醉有時狂放柘枝顛盡日能彈巾角戲官廚日午

無松烟猶抱新詩咀餘味一編示我青琅玕十三絃柱

冰絲寒怪汝年少那多感聲情激越神鬱盤故鄉山水

寄遠夢才人性命依粗官初白初白吾語汝鳳皇苦飢

鳴嚇鼠且學叅軍作蠻語滇海西流奈何許

楊嶰谷廣文以杏花農畫三台古梅圖屬題畫作

榴實山莊詩鈔卷二

三

獨榦斜矗花滿枝頂其樹在呈貢縣翥鳳宮

霞纈玲峴珊瑚凍翠羽隔烟喚香夢驚起仙人萼綠華

九鬟斜插釵痕重綠蛇盤髻妝冢冢銀屏手澁彈雲和

溜釵墜地變花骨紅雪夜碎飛交柯翥鳳宮前月波冷

窈窕花魂向月醒笑蹋三層碧玉階寒沁玻璃迴鳳影

誰餐鍊液吹參差抱花意比癡雲癡對花花卧寫花照

縹約冰雪餘仙姿騎鶴人來賭玉戲不肯羅浮倚花醉

好將十尺青虬枝化作尊前鐵如意

小樓閒眺

盡拓牕櫺倚醉顏小樓隨意數躋攀看雲人挾飛仙骨  
斜日秋生睡佛山六詔關河烟漠漠九龍池館水潺潺  
鄉心無限江南思饒有閒情問百蠻

和謝石瞿廣文見贈原韻

老去林泉萬慮休攜筇肯爲我遲留風懷澹付三杯酒  
烟景高居八詠樓安石吟聲常捉鼻杜陵襟抱獨科頭  
堆盤苜蓿闌干影白髮飄蕭更感秋

再疊前韻

山亭何日築三休宦轍遙從萬里留論蜀相如虛秉節  
榴貫山莊詩鈔卷二

三

思鄉王粲更登樓敢言名士稱龍尾却有痴情似虎頭  
落日城陰同拄笏蠻花犴鳥客中秋

柬楊嶰谷

綠萼疏梅半作花風前索笑鬢絲斜却憐陶穀清寒甚  
手撥都籃煮雪茶

雪茶色白  
味甚清烈

破曉新收艾納香樓楣漱灑上湖光借君一幅鴛溪絹  
笑畫梅花聘海棠

按試迤西楊嶰谷馬子雲送於滇海上時子雲將

歸麗江爲賦三章卽題其雪樓詩集



雪山有奇士抱雪樓上居樓高五十尺環楹列瓊瑤樓  
上何所有金薤琳瑯書客來問書目一一胸中儲三十  
讀書畢汗漫游九區躡屐俯泰華挂席凌江湖六十賦  
歸來飽食滇池魚紅葉照巖谷揖我於路隅殷勤置尊  
酒言將還舊廬

舊廬怒江隈日對太古雪峩峩樓中人古雪吹不熱髮

與雪同白心與雪同潔綺羅夢亦無

子雲早絕婚宦三  
轉藏經深入佛海

軒冕志早絕以此積精進了悟得禪悅但未離四縛吟  
魂夜中結歌誦起輕雷坐使雪山裂何時降詩魔放筆

榴實山莊詩鈔

卷二

五

冷於鐵

將鐵鑄作塏四角安鐸鈴天風颯然至鈴語空中清身  
是無縫塏詩卽天籟嗚悟彼聲聞乘不礙文字名朔風  
吹滇海寒浪縱復橫羣山木葉下蒼翠盤高冥我行讀  
君詩期君西南行好去一龕雪妙香尋古靈

趙州道中

驛路垂垂柳春山種種花客心近三月詩思滿天涯  
檜布蠻村集蘆笙棘女家點蒼峯十九迴望抱關斜

贈張心原同年

重疊萬山裏數家成一村野花紅上屋香稻綠當門地  
僻冠裳儉書多几榻尊何時具雞黍雲外訪桃源

合江

千崖團一水天上落驚濤石隙奔雷怒晴空湧雪高樹  
雲春變色蛟鰐盡爭逃却恠危橋渡橫虛架屋牢

題芝龕記後

玉熙宮畔水濺濺花老長春拜九蓮惆悵四川營裏月  
石芝何處弔秋煙

海上蒼茫舶趁風鯨濤隨意卷沙蟲年來大樹飄零甚  
榴實山莊詩鈔卷二

三

不見桃花戰馬紅

授經環甲總驚奇絕妙西河幼婦詞誰料龕山風雨夜  
將軍含淚問舟師

一拍紅牙九種歌藏園才調酒邊多月明聽到人題閣  
子野曾經喚奈何

雙柏四章爲宜良許史兩節婦作

稜稜雙柏猗與野間交寡鵠接翼而居澣洗不出擷  
蓼而茹維杼維軸維餐無餘

朝集維叢暮雪已摧之死矢之瓊瑰盈懷皚皚者雪錚



錚者鐵悠悠蒼天婦姑齊潔

姑爲苦槩婦曰女貞有濯其源載瀾載清泉杲之日麗  
于南榮同心一節鑒此純誠

維柏方舟滇之濱兮凡百君子誰指囷兮作爲歌詩哀  
兩憚兮燁燁彤管埃如綸兮

酬鄔廿九雪舫與雪舫別二十年近寄詩集來滇

稽山有孤桐脩幹棲冰霰裁之爲雅琴中聲出瑤薦撫  
絃動衆山抽軫走羣彥流響滇海湄萬里月如練蠻女  
繡弓衣宛轉壓金綫引我尋秋聲自拂青鐵硯

榴實山莊詩鈔

卷二

五

輕颺入庭樹花發前年枝故人渺江海夢結同游時青

楊何安宅

石間

黃門潘岳詩

散木

當時履綦跡轉眴風

檣馳紅蠶一寸繭中有千萬絲人生足離別難解纏綿  
思

相思無近遠萬里如階除但恨滇池水難覓雙紅魚曇  
華照几榻窺寄鏡湖書遙知書到日巖桂秋丹初慮澹  
多上壽修閭多令譽願言保金石各自勤居諸

束謝石癰

水氣平軒檻涼痕上衲袍人隨雲共嬾樓與月爭高老

鶴少塵夢雙松生翠濤相期一尊酒白髮理風騷

題巖伯霞秋鏡覓句圖

伯霞好才調萬里苦吟時人影瘦於月秋聲涼到詩蘋  
花茗雲夢箐竹爨蒙碑爲有滄浪客能教山水滋

題畫蘭

巖壑窈窕烟冥冥瘦石犖确撐奇青下有流泉清且冷  
屐齒不到雲幽扃花花葉葉何若亭古香冷韻樓山屏  
流入琴曲誰與聽春風披拂生芳馨勿復空谷愁伶俜  
行將與爾升紫庭

榴實山莊詩鈔

卷二

五

樓上看雨和馬子雲韻

黑雲蟠蛟螭翠海走雷雨風力塵芰荷秋聲亂烟浦拋  
擲萬涼珠陡覺滌煩暑阿香車隆隆顏顏蓄餘怒凜凜  
樓中人齟齬不敢語偶將掀舞態對寫竹三五有如強  
酒客既醉添杯醋突兀來君詩森然樹旗鼓高響開流  
雲遠山露眉嫵萬象墮蒼莽旦晚有今古

重宿龍泉寺

雲氣淡於水磬聲秋滿山我來尋舊榻塵外斂禪關泉  
冷龍猶睡松高鶴未還佛燈清話久輸與老僧閒



秋日閒居

蕭然鈴閣似山家  
長日烟嵐住五華  
不作熱官慙小草  
自憐寒士愛秋花  
薰香枕冷拋椎髻  
挂壁塵疏看畫叉  
病渴頗思人載酒  
擬將奇字待侯芭

九龍蒼莽舊池臺  
安阜園林曉瘴開  
何日尋山攜屐去  
有人由驛寄詩來  
雲團金碧生邊氣  
夢落江湖訪逸才  
迴望觚棱秋色迴  
明霞紅處是蓬萊

寂寂疏寮撫濁醪  
渾忘門外列旌旛  
鶴如人嬾難教舞  
松爲山平不起濤  
留客久因談六詔  
著書少自愧三豪

榴實山莊詩鈔

卷二

三

年來孤負黃花節  
醉向東籬乏蟹螯

十萬峯巒一瞥過  
娥眉語聽無訛碑  
尋香國摹唐石  
橋渡蘭滄憶漢歌  
酒味嘗來中聖少  
詩才數去下僚多  
憑闌自笑豪情減  
試淬芙蓉按太阿

峻嶒仙骨學樓居  
翠海波痕入檻餘  
退筆重臨裝後畫  
矮牋小錄借來書  
機心少已同鷗鳥  
名士多應笑鯽魚  
欲把楞嚴消結習  
聽香松月半牕虛

秋滿簾櫳冷翠鋪  
芭蕉繞屋雨聲粗  
蘼蕪舊夢牽湖舫  
蒟醬新詞注蜀都  
隔水花光三里霧  
入樓山態十眉圖

迢遙雁路歸難計領畧閒情學據梧

杜貞女截指詩

貞女山陰人刑部主事寶辰女字同里張孝廉  
景壽子以均年十三以均死家人將別議婚女  
聞引佩刀斷指張感之爲迎歸而告廟焉

枝黝蚪千尺松花麗穀百尺桐松耶桐耶有清馥下陰  
提提女貞木女貞木乃在山之陰哉山山高秋森森兒  
齒未齟絲繫深朝誦女師夕女箴圓冰射碧紗烟沈十  
三織綺驚絛斷古井無波石不爛石闕口銜瑱耳懸明  
榴實山莊詩鈔卷二 七

山陰一女子

題俞星堂前輩行看子

楊柳千條軟翠浮亂蒲十幅枕江流自家急打迴颿鼓  
笑看人牽上水舟

松寒絡石積蒼雪梅老凍雲生古香有時一笑出門去  
嶽麓舊碑尋夕陽



種菜吟爲王節婦作

青女剪花溼寒菜凍色稜稜翻葉背昏黃屋角啼鷓鴣  
中有蓼蟲相對愁絲難絡淚如綆瘦日沈沈澹孤影  
早隨寡鵠相爾汝更託慈烏泣絮語朝提髧暮顧杼撥  
菜作糜和雪煮與姑同節雙柏堅依母作計慈竹憐滇  
水西流日夜急但餘菜隴棲寒烟一畦荒荒積冰槩哇  
外行人歎嘖嘖閉門種菜鍊貞魄我爲作歌筠管赤

往曲靖道中作

暑雨催征騎依山驛舍高近郊移鼓角老樹閱旌旄萬  
榴實山莊詩鈔

卷二

五

里蠻烟靜三年篋節豪清冷板橋水照澈使星勞  
水積崧湖澗山盤薛磴深毒泉留古碣清磬出疏林茶  
嫩分僧鉢松涼上客襟何時淡塵慮來聽海潮音  
夾道看車騎居人少澣衣嬾縫一尺布不見九張機棘  
爨風原儉蠶桑計豈非如何晴雪影空對木棉飛  
宿莽團殘壘傳聞古戰場蟲沙消劫火螻穴幾侯王事  
往兵戈澹時平堞堠荒杖藜來父老祇解說豐穰

陸涼爨氏碑

陸涼舊爨舍耕出使君碑功德當年頌文章亦自奇螭

斜煤尾漬龜蝕土花滋更有唐南詔升菴總未知

楷旬

一山藏寺背蹋葉徑痕微樹密斜支石苔濃近點衣殘  
僧依佛龕怪鳥觸人飛步履尋幽徧荒巖得似稀

哀牢

見說哀牢頂樹留盤古窩萬牛難挽遲百里接枝柯魑  
魅藏晴晝冰霜沍澗阿因知窮谷裏寥落大材多

懷朱若生

露花霜葉滿烟鬟淺醉懷人暮靄間別後關河成獨眺

榴實山莊詩鈔

卷二

五

秋來談笑隔千山樓前高鳥飛難倦湖上歸雲冷未閒  
夢落石屏清夜月大魚城聽水潺潺

題鄭夢白中丞南詔籌邊圖

天風浩浩吹五華萬里一繫滇海槎眼底旌旗照海水  
坐撥潦霧生明霞是時西徼急亭堠邯鄲有蝨勞搔爬  
鐵索危橋隔江起江外七寨聞馬撾却看兩角鬥蠻觸  
可憐萬骨爲蟲沙勢延久似鄭國蔓禍亟竟及驪山瓜  
羽書日夕來未已鈴閣靜鎮清無譁綏懷一體視蒼赤  
籌策百出除紛拏民氣方冀登衽席公節忽又移鋒車



我聞金齒積構覺如見藤鬚驚睡蛇平沙百頃一草子  
輒恐經兩生萌芽願公置良二千石能令賣劔勤春耒  
時平沐浴漸

聖化成樓紅接山城花綸巾名士古不遠

天聲况復敷邇遐青霜氣肅冬日暖公其駐旆停高牙  
畫中等筆寫南詔讀畫未竟心重嗟我方脂轄向原隰  
邊月清咽蘭津笳博南山高一迴眺官梅夢落西園斜  
題若生結網圖

嶺樹湖雲兩索居秋深不寄數行書何時兜起千絲網

榴實山莊詩鈔

卷二

三

三十六鱗紅鯉魚

御風咫尺卽蓬萊擢穎扶桑曉色開好把一竿滄海去  
紅霞深處釣鼈來

游青華洞

衆山睡正酣一山開口笑向客常軒渠不語亦元妙我  
有嗜奇癖磨牙竟深造初入驚屣屣漸進駭窻窻萬象  
奪兩目欲歎舌先撓突兀十丈蓮折使垂萼倒去地一  
尺強忽作大尾掉却立神久眩更入徑難料罅漏爭璫  
瓏容光射照耀天影團笠小溜痕旋壁隙誰將霹靂手

來鑿混沌竅，豁旁陰崖詰。曲闖奧窔危，乎微徑微惜。  
哉，燭火燭中無，風雨至路乃積。淫潦遂令謝，康樂屐齒  
不能到。山靈懼鑿，劊刻意阻吟眺。有如嗜酒人，擎盞不  
許醜。且馳域外觀，莫蹈甕中誚。出洞聽松風，鸞皇動清  
嘯。

同馬子雲登彩雲樓

羣山蜿蜒環城趨，城邊高樓山不如。三十三級蹋雲上，  
一層更上凌清虛。那知檐鐸高幾許，但覺闌楯平浮圖。  
斜日倒影晃金碧，長風吹籟調笙竽。萬家烟樹齊難數，

榴實山莊詩鈔

卷二

三

百里滇海杯可輸，意識竟隨眼界轉。俯仰頓令心神殊，  
河流如帶枕水閣。溪光罨畫真三吳，兔葵燕麥媚春晚。  
祇少新綠搖蔣菰，雪樓居士今林逋。佛燈禪榻時趺趺，  
腰腳不肯讓年少。登樓笑謝僧，雛扶香烟坐看白毫繞。  
茗椀爭鬥流雲腴，華嚴初地叅未徧。門外旌旆催前驅，  
歸卧齋閣心追摹。何時瓶鉢隨伊蒲，我非佞佛聊自娛。

題鳳母徐節孝傳後

金缸牙管日盤徊，家世徐陵有玉臺。六卷鑄成蘭晚集，  
一時班左讓清才。



紛悅堂前問膳過千金方盡奈醫何  
瓣香夜半通真宰  
星斂寒芒月斂波

東園深處鏡波平  
照澈年年孝水清  
七十二峯湖上立  
爭看彤管表崢嶸

渡鐵索橋時永昌用兵

玉帳牙旗夜枕戈  
崎嶇戎馬問關河  
鶯花春好邊聲起  
豺虎叢深側影過  
露草逾青團戰壘  
瘴雲微紫動江波  
武鄉祠畔蘭津渡  
古抱今懷悵若何

書巖棲詩稿後

榴實山莊詩鈔

卷二

三

一卷清音繼九僧  
妙香何處悟傳燈  
雪樓親侍維摩詰  
恠底詩情潔似冰

三層閣上擁芙蓉  
一磬聲傳萬壑松  
何日打包行脚去  
更將五嶽拓心胸

榻來丈室散幽懷  
花雨茶烟亦復佳  
我覺近秋詩興起  
願師先拂水松牌

昆明池水幾經過  
別有閒情寄薜蘿  
禪味愛尋方外友  
拈花人笑學東坡

題周石藩年丈重游泮水圖五十韻

德望隆當代嵩喬識大年上丁儀再習周甲歲重躋鳩  
杖親先達鸞旂集後賢緇帷經更拜金筑事爭傳水漾  
香芹碧雲扶黛柏堅圖成九老外聲雋一覺先宴勝着  
英會名留弟子員冠裳新俊彥鐘鼓舊宮懸影認櫺星  
啟波分璧月圓階楹趨穆穆屐引翩翩黃髮歌台背  
青衿許接肩遙從初地記益信福堂全藉甚名千佛珊  
然骨九仙文泉韓海湧經席鄭鄉編絳桂秋風榜朱櫻  
上苑筵同簪

清禁筆小試武城絃邑頌神君速人呼佛子虔嚴能思  
榴實山莊詩鈔

卷二

三

薤本寬亦示蒲鞭束吏行冰鏡安民習豆籩棠封曾驥  
展花縣幾鶯遷書有蟬餐簡裝無鶴俸錢衡文分玉尺  
得士盡金荃俗慮祛筐篋公餘握槩鉛龍門勤著作鳧  
烏嬾周旋江漢浮歸棹園林養壽泉看花雲淦淦移竹  
兩娟娟別墅香山社朋尊藥玉船裴劉重入洛儀儼久  
稱燕詩禮同趨侍雲霄各翥鸞

螭坳先後上雁塔弟昆連翔步承丹地蜚英列木天官  
箴咸自凜庭誥本相延寵錫芝泥重顏承渥赭妍天書  
涇鸞鵠廣座列貂蟬通德高門閤鳴珂艷里塵珠榮階



樹茂玉照砌蘭鮮卽看羅羣彥因知抱善淵源深江納  
谷望峻嶽擎蓮獨樂園開否靈光殿巋然典型班笋仰  
歌詠吉金鑄笑接簪纓起春生杖履前圖橋猶迤邐泮  
水自漪漣進學諸生解思臧魯頌篇膠庠同健美車馬  
想駢闐官說郎君貴名欣賤子聯過庭遙慕孔持觴近  
游滇幸遂握衣願能留翰墨緣靈椿瞻矍鑠瀛海得涸  
沿好繼千秋錄憑裁十色牋瓊林重赴日

恩紀五雲邊

秋滿

榴實山莊詩鈔

卷二

言

秋滿紅蘭溼露華研裙催上七香車解傳好語憑青鳥  
學換新妝縮綠蛇珠珮邀來非洛浦履箱擎出似盧家  
越溪舊侶遙相憶正采芙蓉向若耶

